

SETLHA SA GO FAELA SA 2025 SE THOMA GO TLOGA KA LA 21 JULAE GO FIHLA KA LA 20 OKOTOBERE

Tshwane, 18 Julae 2025 — Ditirelo tša Motšhelo tša Afrika Borwa (SARS) di thakgaletše go bega gore balefela motšhelo ba 5.8 million ba amogetše Dikelo tša Othomethiki lenyaga, tšeo di oketšegilego go tloga ka 5 million ka 2024. Se bohlokwa ke gore, 99.6% ya Dikelo tša Othomethiki tšeo di tšwilego go fihla ka letšatšikgwedi le e dutše e sa fetošwa ke balefela motšhelo. Sa go thakgatša ke gore palo ya R10.6 billion ya pušetšo ya tšhelete yeo e swanetšego go lefela balefela motšhelo e šetše e lefetšwe mo diiring tše 72.

Ka Tekolo ya Othomethiki, SARS e diriša data yeo e hwetšwago go leloko la boraro go lekola balefela motšhelo. Go phegelela go phišagelo ya rena ya go “dira gore motšhelo o phethagale”, balefela motšhelo ga ba hloke go dira selo ge ba rometšwe kelo ya othomethiki. Bakeng sa balefela motšhelo ba mmalwa bao ba ka hlokago go mpshafatša dintlha tša bona tša pušetšo ya motšhelo le diphetogo ge eba go na le tshedimošo yeo e hlaelago yeo SARS e se nago yona, se se ka dirwa ka eFiling goba ka SARS Mobi App.

Leeto la go aga SARS ya Bohlale, ya Sebjalebja, ya semelo sa bohlale bja ekišo, thuta-metšhene le saense ya data e tloga e laetša katlego.. Balefela motšhelo ba go feta 2.1 million ba amane le SARS ka dikanale tša rena tša ditšithale. Go dikamano tše, 1.1 million e diretšwe ka *SARS Online Query System*, 707 000 ka *WhatsApp*, le tše 290 000 ka *Lwazi Chat Bot*. Go nolofatša kamano le SARS ka eFiling goba SARS Mobi App, palo ya go feta 10.2 million ya badiriši bao ba kgethegilego ba kgonne go tsena ka gare ka katlego go tloga ka la 4 Julae.

Sebaka sa go fetša go faela ka katlego sa Kelo ya Othomethiki, seo se thomilego go tloga ka la 7 go fihla ka la 20 Julae 2025, se tlo latelwa ke sebaka sa go faela sa motšhelo ka eFiling le SARS MobiApp bakeng sa balefela motšhelo ka noši go tloga ka **Mošupologo, la 21 Julae–20 Okotobere 2025. Balefela motšhelo ba sebakanyana** ba ka faela go tloga ka la **21 Julae 2025–19 Janaware 2026**. Bontši bja bao ba romelago dipušetšo onelaene, poelo ya kelo ya othomethiki e a ntšhwa ka fase ga metsotswana ye 5 ge eba ka moka di sepela ka thelelo. Tirelo ye ya maemo a godimo lefaseng e dirwa mola go laolwa kotsi ya dipušetšo tša go se dumelelege le tša bofora ka thuta-metšhene ya go thanya le mmotlolo wa bohlale bja ekišo.

Go efoga dikotlo, balefela motšhelo ba swanetše go romela tshedimošo yeo e nepilego ka pela. Bakeng sa Setlha sa go Faela sa go sepela ka thelelo sa 2025, balefela motšhelo ba kgopelwa go diriša dikanale tše di latelago tša tsebišano le SARS.

- **SARS Website:** etela www.sars.gov.za gomme o kgotle konope ya “Individuals”.
- **SARS Online Query System (SOQS):** <https://tools.sars.gov.za/soqs>.
- **SARS WhatsApp:** romela “Hi” goba “Hello” go 0800 117 277.
- **Thušo ya Bohlale bja Ekišo:** e hwetšagala 24/7 go wepsaete ya SARS go araba dipotšišo.
- **Letšetša *134*7277#:** go fihlelela ditirelo tša SARS.

- **SARS YouTube:** etela @sarstax bakeng sa go diriša divideo.

Balefela motšhelo ba diriša dikanale tša SARS tša ditšithale ka katlego. **Ga go sa hlokega go etela Disenthara tša Ditirelo tša SARS. Ge eba o a tlamega, dira peakanyo ya kopano pele ga nako go efoga methaladi e metelele.**

Balefela motšhelo bao ba kolotago SARS ba ipiletšwa go dira ditefelo ka potlako goba go dira dipeakayo tša tefelo. Ke fela dipušetšo tša tšhelete tša palo ya go feta R100 tšeo di swanetšego go lefelwa go balefela motšhelo di tlo lefelwago ka mokgwa wa othomethiki ka gare ga diakhaonte tša bona tša pankha mo diiring tše 72 morago ga ge tekolo e feditšwe.

SARS e ipiletša go balefela motšhelo go dula ba ntšhitše mahlo dinameng le go boloka dintlha tša bona sephiring. Go bile le maitekelo a mantši a dinokwane a go foraforetša balefela motšhelo. Balefela motšhelo ba gopotšwa gore SARS e ka se tsoge e kgopetše balefela motšhelo go diriša kgokaganyo efe goba efe go amana le yona. Balefela motšhelo ba swanetše go šireletša dinthla tša bona tša go tsena go eFiling gomme ba diriše fela ditsebi tša motšhelo tšeo di ngwadišitšwego.

Tshedimošo ya moragorago ya bonokwane e ka hwetšwa go wepsaete ya SARS ya: www.sars.gov.za. Go bega goba go kgopela tshedimošo ya mabapi le boforetši, balefela motšhelo ba ka romela imeile go phishing@sars.gov.za.

Edward Kieswetter, Khomišinare wa SARS, o laeditše kgotsofalo ya gagwe ya gore Kelo ya Othomethiki e tloga e fetošitše nlofatšo ya obamelo ya balefela motšhelo. O boletše gore “SARS e tloga e šoma ka thata go fa balefela motšhelo tirelo e kaone kaone, fao, “motšhelo o diragalago gabonolo”. O boletše gore kaonafatšo ya diplatmofo tša SARS tša ditšithale e boloka nako ya balefela motšhelo le go fediša hlokego ya go tše leeto la go ya go Disenthara tša Ditirelo tša SARS. “Mafelelong, nepo ya rena ke go fana ka tirelo e kaone kaone go se na tirelo le ga tee. Bjale ka ge re thoma ka Setlha sa go Faela bakeng sa bao ba sa elwago ka othomethiki, go tloga ka Mošupologo, la 21 Julae, Ke hlohleletša balefela motšhelo gore ba diriše dikanale tša rena tša ditšithale go na le gore ba eme methaladi e me telele go Disenthara tša rena tša Ditirelo.”.

Go hwetša tshedimošo enngwe,ka kgopelo ikgokaganye le SARSMedia@sars.gov.za.

SEPHETHO.